

徽縣志卷之三

建置志

古諸侯建邦啓土凡經營創制務計久遠然而時
異代更則變遷廢墜所不免焉徽縣地方數百里
不比於古之大國秦蜀通衢則高壘深溝以固吾圉
非細故也若夫官師有宇學校有制積儲有地郵
傳有方懋遷有所以及濟人表里講武卹孤諸制
俱燦然可觀至如壇壝廟祀政典攸繫卽古利甿

宇或亦民俗所尙得與遊觀依類附之用昭勦革
之詳脩爾志建置第三

城池

宋開寶初移河池縣於固鎮南渡後縣廢爲宣撫守

將治元初置南鳳州至元中改徽州皆因之

治之南郭曰舊

城宋初建置紹興後斯爲重鎮自宋迄元數遭焚燬而環城基址尙有可尋移治今城未詳始於何時

明初知州金堅始創修城池周四里有奇土疏善圮

正德六年蜀寇入陷知州侯禪奉巡道李璋檄重加

板築開拓舊址包鐘樓山於東北城周五里三分池深一丈嘉靖元年知州白松請於巡按許鳳翔劉翀復修環城置屋八百餘間二十五年屋壞知州許釗乃撤屋而用磚甃增置門樓至崇正末復圯

國朝順治七年知州楊三辰修葺康熙初霪雨大圯徐

起霖重加修築城始固以後相繼修葺嘉慶四年邪匪滋擾城下屢修屢圯知縣李受曾率紳民於東南隅開挖海壕數十丈十一年知縣張伯魁率邑紳士

捐葺完固重修四關門樓東曰羣峯聳秀西曰河池
古治南曰鐵山棧道北曰襟連秦鳳

慶祝宮在北街東正房三楹供奉

龍亭以爲

朝賀之所

左右班房

各兩間

二門

左右有角門

大門

上爲綽楔

案宮爲徽山書院舊基康熙三十五年知州郭維寧請立試場時成階士子皆就試於茲自改州爲縣而試場廢乾隆十四年知縣杜蔭建慶祝宮

舊志徽山書院御史顧堅更名儒學公廨在鐘樓山麓與學宮相聯嘉靖十三年御史劉良卿改射圃社學地改建講道堂五楹廂房號舍三十楹康海龔守愚有記案前明有書院爲提學

校士之所曰儒學公廨今聖宮後隙地嗣以射
圃社學地改建卽今慶祝宮也

公署

縣署在城西街舊爲知州署明洪武知州金堅創建
其先後修葺者知州楊懋息清許釗

國朝雍正七年改爲知縣署乾隆十三年知縣杜蔭重
加改葺

大堂

左爲儀仗庫房堂前爲捲棚爲露臺臺下有簾亭後爲宅門

吏廨

在太堂兩廊左右各十間

儀門

左右有角門

驛廡

儀門左角門內即河池驛廡之北為社倉舊州判署並監獄改建也馬王廟在縣署西

案舊志河池驛有所在州治北廢棄已久今無

考

時春閣

儀門左嘉慶十年知縣張伯魁建甃石為基樓三層四面開窻戶可以眺遠其最高

一層高出城垣日者曰主兌位文明之象

土地祠

在儀門外左

大門

二堂

左爲書房右爲內庫堂左有書廳三間東爲射圃

三堂

左右爲內宅堂之後有觀禾亭今廢爲菜畦

捕廳署在縣堂露臺右吏廨之北南向舊吏目署改

建

大堂

儀門

儀門之南爲獄

大門

東向木柵無門

二堂

左右廊房爲吏廨地築園構亭有魚池

堂之右有勅室其南隙邪匪之擾各元戎駐兵

城內典史供應無虛日乃隔池于牆外園中牡丹竹菊尤存

後宅

在堂後

舊志稅課大使局在西街批驗茶引所在火鑽

鎮嘉靖間改建白水江徽山驛在北街有堂有

序門暨駐節坊虞關巡檢司在虞關鎮案稅課

批驗兩大使萬歷間先後裁缺驛丞尋廢巡檢

一缺國初亦奉裁革今其遺址皆無可考

庫 見前

倉廩 縣倉卽社倉在馬廐東西北三面共十八間 又土地祠南四間

常平舊倉十間

案徽縣額設共廩百六間並有歷任貯糧捐修之倉嘉慶六七年軍務告竣廩間毀圯應着地方官賠脩經今秦州知州前縣李受曾申詳奉藩司批飭徽縣有完好倉廩三十餘間其餘倉

厥木料朽腐不堪粘補以及嘉慶三四五六等
年被賊焚燬業經咨部准銷應飭徽縣將歷任
坍塌及被賊焚燬倉厥免其賠修在案卷存倉
房脩閱

大門行館

舊倉基知縣
張伯魁建

江洛鎮行館

舊倉基知縣
張伯魁建

舊志公署有察院在東街按察分司在南新街
府館在州治西街御史行臺分司行臺在火鑽

鎮又有木蘆鎮分館順治間知州楊三辰重修
今皆無考

學校

至聖宮在東街鐘樓山麓明初刼建學廟規制迫狹

宏治元年知州劉濟始於學西刼建殿廡門墻劉健

有記詳藝文嘉靖六年知州朱純奉檄重修其後知州

王時雍舒良材相繼葺焉迨

國朝知州蔡廓知縣李兆錦重修嘉慶七年署知縣徐

振鵬捐俸整修

兵燹之後漸即傾圮至是殿廡宏整

大成殿

東西兩廡

戟門

泮池

左右有碑亭

櫺星門

崇聖祠

大成殿後卽舊明倫堂明宏治初與殿同建嘉靖十年奉部議立崇聖祠乃於明倫

堂後之山坡建立制甚卑隘相因二百餘年乾隆二十六年知縣李兆錦築宮牆圍崇聖祠於學宮

之內迨嘉慶十二年知縣張伯魁以舊明倫堂改建崇聖祠始符廟制

名宦祠

在泮池左祀宋吳玠吳璘明孟鵬年秘心師侯禔劉濟國朝徐起霖葉映榴

鄉賢祠

在泮池右祀宋曹友聞程俊明高斗南在旒任倫郭從道

忠義祠

舊崇聖祠今改祀晉孝子傅祗宋忠義曹友諒曹萬明忠義任希夔陳邦登何養德

高若星楊其高梁基恩張聖化國朝孝子王祇王宏業

節孝祠

在儒學

李公祠

祀明分巡僉事李公瑋恭議張潛有記知州孟鵬年建

魁星閣

在南門外山坡上

儒學署在文廟東明洪武初建隨時修築與學宮畧

同

學校

明倫堂

嘉慶十三年知縣張伯魁捐建有移明倫堂記

尊經閣

在堂後舊為師儒謁見之所教諭究慎修整葺以貯書籍祭器俾復尊經之制

儀門

有坊左為節孝祠即舊訓導宅

大門

三間

齋宅

在尊經閣後

師儒

廩膳生二十名

增廣生二十名

歲科試童生額取每十二名

武童額同

祭器